



**Francisci Monacelli Eugubini J. U. D. Protonotarii  
Apostolici, olim Ecclesiae Venusinae, ac deinde Aesinatis  
Vicarii Generalis, &c. Formularium Legale Practicum Fori  
Ecclesiastici**

In Quo Formulæ Expeditionum usufrequentium de his, quæ pertinent ad  
Officium Judicis nobile, continentur ; Opus Episcopis, Vicariis Generalibus,  
Aliisque Iurisdictionem quasi Episcopalem exercentibus: necnon  
Confessariis, Parochis, Cancellariis, cæterisque in dicto Foro versantibus,  
apprimè utile ...

**Monacellus, Franciscus**

**Venetiis, 1706**

Licentiæ erectionis Confraternitatis Formula XI.

---

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

tibus Parochialis debito obsequio Parochianorum non fraudetur, & memoria eorumdem subjectionis non amittatur, sed renovetur, Tondut. *quæst. benefic. tom. 1. cap. 63. num. 18.*

24. **NSI PRIUS FUERIT BENEDICTA.** Quod Ecclesia constructa, & fundata auctoritate Episcopi nondum benedicta, nec consecrata gaudeat immunitate, ex *cap. fin. de consecr. tenet Bellet. disp. Cleric. part. 1. de favor. Cleric. real. §. 4. num. 27.* & quod non præsumatur benedicta neque consecrata, nisi probetur saltem unico Teste Barbof. *de offic. & potest. Episcop. alleg. 27. num. 5.*

25. At quod Ecclesia Cathedralis præsumatur consecrata, & dicenti contrarium incumbat onus probandi, ex *Text. in c. omnes Basilicæ de consec. dist. 1. firmat Rota cor. Manzan. decif. 801. num. 11. Ricc. prax. resol. 479. tit. 1. & alia inferior præsumatur benedicta, si constet pluries ibidem Missas celebratas fuisse, & quod tunc gaudeat immunitate, distinguit Ambros. *de immunit. cap. 10. n. 2.**

26. Ecclesia, quæ est tantum ab Episcopo, vel habente facultatem benedicta, non verò consecrata, si polluat, poterit delegatione ejusdem Episcopi per quemcunque Sacerdotem reconciliari aspersione aquæ lustralis, ut habetur in Rituali Romano, & probant Sayr. *de censur. l. 5. cap. 16. num. 32. Nicol. lucubr. can. lib. 5. tit. 39. de pollut. Eccles. num. 257. Piafec. prax. Episc. part. 1. cap. 2. art. 4. n. 9.* Si verò esset consecrata, non poterit reconciliari nisi per Episcopum, qui talem facultatem alteri delegare non valet, *cap. proposuisti de consecr. Eccles. Barbof. de offic. Episc. alleg. 28. n. 55. Nicol. ibid.*

27. Polluitur autem Ecclesia pluribus modis. Primò effusione magna sanguinis injuriosa ex violentia facta in ipsa Ecclesia. Secundò seminis humani publica voluntaria effusione illicita, sive per copulam conjugalem. Tertio sepultura Cadaverum Hæreticorum, Infidelium, & Excommunicatorum. Quarto si Ecclesia reconcilietur per Episcopum publicè excommunicatum. Quintò occisione hominis in ipsa Ecclesia, quamvis sanguis non effundatur, puta quia laqueo

Monacelli Form. Pars I.

suspensus, vel suffocatus fuit, Barbof. *de jur. Ecclesiast. univers. lib. 2. cap. 4. à n. 16. ad 25.*

28. Verum adverte, quod ad hoc, ut Ecclesia dicatur polluta, ut indigeat reconciliatione, requiritur, quod supradicta delicta sint publica, Piafec. *prax. Episc. part. 1. cap. 2. art. 4. num. 8.* & quod fiant in ipsa Ecclesia: nam si contingerent in Sacratio, in Atrio, & in Campanili, Ecclesia non remaneret polluta, ut docent Barbof. *loc. cit. num. 26.* & Nicol. *lucubr. can. lib. 5. tit. 39. de pollut. Eccles. n. 252. limit. 3.*

29. Dedicacionis autem dies desumpta ex *cap. 4. Machab.* ab Episcopo ex justa causa potest transferri in alium diem magis congruum, ad evitandam concurrentiam aliorum Officiorum, Speculat. *consult. 4. part. 3. rubr. 52. Sacr. Congregat. Episc. in responsione ad primum Dubium propositum à Suffraganeo Brixionen. sub die 4. Febr. 1585.*

Licentiæ Erectionis Confraternitatis.

FORMULA XI.

SUMMARIUM.

- 1 Confraternitati laicorum non debent ascribi homines male vitæ, nec hi, qui ignorant rudimenta fidei.
- 2 Confratres ascripti debent exercere opera pietatis, & misericordiæ.
- 3 Confraternitas debet habere Sacerdotem Cappellanum.
- 4 Regulares non possunt instituere Confraternitates cum usu Saccorum.
- 5 Confraternitates laicorum cum usu Saccorum, an possint cogi ad interessendum processionibus, referuntur Decreta, & n. 6. & 7.
- 6 Confraternitates ad Processiones funerum non accedunt nisi invitentur: neque cadavera defunctorum deferunt, quando hæredum beneplacitum non concurrat.
- 7 Confraternitates à locis, in quibus reperiuntur erectæ, & institutæ, possunt liberè discedere, & expelli.

○

10 Con-



- |   |  |
|---|--|
| <p>10 Confraternitates erigi debent cum preservatione jurium Parochialium.</p> <p>11 Confraternitates Episcopo approbante possunt statuta condere.</p> <p>12 Non possunt statuere, quod admissi, ex obligatione solvant taxatam sumam.</p> <p>13 Possunt tamen per modum hortationis statuere, quod solvatur aliquid elemosynaliter pro manutentione piorum operum Societatis.</p> <p>14 Statutum Confratrum, quo disponitur, quod extraneus non Confrater, non sepeliatur in eorum Sepulcro, nisi soluta certa pecuniae quantitate est simoniacum.</p> <p>15 Licentia elemosynas quaeritandi non debet Confraternitati concedi extra locum, in quo est erecta, &amp; de ratione.</p> <p>16 Confraternitatis Officiales habent liberam administrationem bonorum Societatis.</p> <p>17 Confratres an possint congregari sine licentia Episcopi, quando eis fuit ab eodem prohibitum? refertur opinio Pignatelli.</p> <p>18 Pignatell. consult. 128. tom. 9. rejicitur &amp; afferuntur rationes, &amp; num. 19. 20. &amp; 21.</p> <p>22 Major pars Confratrum constituitur per praesentes non habita ratione absentium, nisi adsit statutum in contrarium.</p> | <p>23 Vota Confratrum debent dari uti ab universis collegialiter, alias eorum consensus, vel dissensus non suffragatur.</p> <p>24 Officialium electio ad Confratres pertinet, confirmatio vero ad Episcopum; qui habet etiam electionem quatenus Confratres non concordent post tertium scrutinium.</p> <p>25 Episcopus Confraternitatibus benemeritis privilegium sepulcri rationabiliter concedit.</p> <p>26 Confratres si sepulturam sibi non elegerint, sepeliri debent in Ecclesia Parochialis.</p> <p>27 Dubia proposita in Sac. Congreg. Concilii, &amp; resoluta super electione sepulturae.</p> <p>28 Confratres non possunt pro successoribus sepulturam eligere, &amp; assertur ratio, &amp; Decretum.</p> <p>29 Electio sepulturae est pars ultima voluntatis, &amp; actus revocabilis usque ad extremum vitae periodum.</p> <p>30 Electio sepulturae semel facta, non censetur revocata, quamvis infirmus ab infirmitate convalescerit, non facta nova electione.</p> <p>31 Parochus non tenetur concedere licentiam Confraternitatibus laicorum exercendi in eorum Ecclesiis functiones Parochiales, si velit per se ipsum exercere.</p> |
|---|--|

## N. Episcopus N.

**I**N Nomine illius, qui Charitas est. Cum nuper Nobis innotuerit, nonnullos eximia probitatis viros hujus loci N. pie considerantes, quod major pars Carceratorum, ne dum amicis, qui illorum expeditionem, & alimenta procurarent, verum etiam notis saepe carent: Et quod cadavera pauperum Defunctorum praesertim extra Civitatem, vel diu insepulta remanent, vel sine lumine ad Ecclesiam deferuntur, non sine dedecore Religionis Christianae: Cupientes praedictis necessitatibus, & Charitatis operibus providere, societatem sub titulo Charitatis in Ecclesia N. quae panes, aliaque edulia saltem bis in hebdomada dictis pauperibus Carceratis, nec non eos visitare, & ut celeriter expediantur procurare: nec non cadavera pauperum Defunctorum erecta Cruce, ac luminaribus, saltem uno Presbytero una cum sodalibus associante, ad sepulturam propriis expensis subministrare, & respectivè deferre debeat, inire decrevisse. Nos gratias Deo agentes, quod tam saluberrima Charitatis opera in hac Civitate ceperint exerceri, desiderantesque quod perpetuò frequententur Confratrum propositum verè pium laudantes, eorum petitioni libenti animo inclinati,



clinati, prædictam institutionem, & Societatem cum usu Saccorum coloris ..... ex certa nostra scientia sub titulo Charitatis auctoritate nostra Ordinaria approbamus, & in d. *Ecclesia N. sine præiudicio iurium Ecclesiæ Parochialis, perpetuò erigimus*, & instituimus. Cum facultate, *Statuta, & Ordinationes* pro felici regimine dd. piorum operum, à Nobis tamen, & successoribus nostris approbanda condendi, eleemosynas, & Charitatis subsidia in præfatos usus convertendi in *Civitate*, quærendi, colligendi, & *administrandi*, & Nobis, ac successoribus nostris de illis, ac aliis redditibus rationem reddendi, (remotis tamen ab Ecclesia capsulis, & pelvibus) *Congregationes convocandi*, resolutiones capiendi; *Officiales* à Nobis, & successoribus nostris confirmandos eligendi; *Sepulturam pro Confratribus tantum, qui eam sibi ipsis elegerint*, iustis de causis animum nostrum moventibus construendi, *salvis iuribus Parochi*, & quartæ sibi debitæ. Et ita erigimus, & approbamus omni, &c. Datum, &c.

N. Episcopus N.

Loco ✠ Sigilli.

N. Cancellarius Episcopalis.

ADNOTATIONES.

1. **EXIMIÆ PROBITATIS VIROS.** Qui auctores principales sunt erectionis Confraternitatis debent esse viri probi, & Charitate Christiana fervidi, quærentes non sua, sed quæ Jesu Christi sunt; nec debent inter Confratres adscribi homines malæ vitæ, facinorosi, aut infamiæ labe notati, neque qui ignorant erudimenta Fidei, Gavant. in *Manual. verb. Confraternitas num. 15. & 16. Donat. de Regular. to. 3. tract. 8. q. 4. num. 2.*

2. **CHARITATIS OPERIBUS PROVIDERE.** Laicorum Societates ad hoc in Ecclesia Catholica fuerunt institutæ, nempe, ut in vinculo fraternæ dilectionis opera pietatis, misericordiæ, & Charitatis exerceant, non ut in suum commodum quidquam convertant, sed ad æmulandum charismata meliora, Cyriac. *controv. 94. n. 5. & seqq. Donat. prax. rer. Regul. tom. 3. tract. 8. quest. 1. n. 3. 4. & 5. & fusiùs probavi supra in adnot. ad Formul. Edicti de visitatione.*

3. **SALTEM UNO PRESBYTERO.** Unaquæque Confraternitas debet habere proprium Cappellanum, qui sit Sacerdos, & præficiatur Ecclesiæ Sacri-

stia, & Cæremoniis sacris, Gavant. *Manual. Episc. verb. Confraternitas n. 9.*

4. **CUM USU SACCORUM.** Ex hac clausula notandum est, quod Regulares, qui ex Indulto Apostolico facultatem habent instituendi Societates in eorum Ecclesiis, non possint illas erigere, seu instituere cum usu Saccorum, absque Ordinarii loci licentia, prout id quærente Episcopo Chiensi respondit *Sac. Congr. Episcopor. 6. Decemb. 1616.*

5. An autem omnes Societates Laicorum, quæ Sacco utuntur, possint ab Ordinario cogi ad interessendum publicis Processionibus, quæstio dubia est, & variè decisa: Etenim *Sac. Congr. Episcopor. tenet opinionem affirmativam*, prout patet ex Decretis, quæ referuntur à Barbof. *supra Concil. sess. 25. de Regular. c. 13. n. 28. Capon. discept. 276. n. 33. & seqq. tom. 4. Frances de Eccles. Cathedral. c. 25. n. 34. & ex Decreto nuper edito in Florentina Violationis interdicti ad relationem Eminentissimi Card. de Abdua 2. Februar. 1692.*

6. *Sac. verò Congr. Concilii sequitur sententiam contrariam*, scilicet, quod Confraternitates Laicorum, & quæ Ecclesiasticæ non sunt, possint quidem ad Processiones invitari, sed non compelli,



& Decreta refert Nicol. in *fosc. verb. Confraternitas post n. 25. de Franch. contrav. part. 1. qu. 13. n. 83. Pignatell. consult. 30. num. 1. tom. 4. & novissimè in Novarien. Processionum 19. Aprilis 1692. Nisi in casu, quod adesset consuetudo, ut respondit in eadem Novarien. & in alia Nucarina Paganorum 15. Aprilis 1690.*

7. Prima opinio, quam sequitur Sac. Congregat. Episcop. mihi semper magis placuit, quia cum agatur de actione spirituali, Laici debent subjacere judicio Episcopi, & quia est favorabilis pietati, religioni, & cultui Divino, & hanc laudat quoque Lauret. de Franch. *contrav. part. 1. n. 89. & 90. his verbis --- Et quod ad Episcopum spectet, facit quod Laici in omnibus actionibus spiritualibus, & concernentibus cultum Divinum subsunt judicio Episcopi. Verùm quia contraria Sententia nititur Decretis Sac. Congregat. Concilii, ad quam spectat Concilium Trident. interpretari, qui illam sequitur non fallitur.*

8. Ad Processiones autem, quæ fiunt occasione funeris, accedere non possunt, nisi fuerint invitatae, Samuel. de *sepult. tract. 1. disput. 3. controvers. 5. conclus. 9. num. 19. & pluries declaravit Sac. Congr. Episcop. apud Pignatell. conf. 73. num. 17. tom. 8. At si demum invitatae sint, nec Cadavera deferre ad Sepulturam, quatenus Hæredum Defunctorum, à quorum libera voluntate, & arbitrio pendet, beneplacitum non concurrat, Pasqualig. ad Lauret. de Franch. *contrav. part. 1. num. 1592. Barbof. in Summ. decis. Apostol. collect. 245. n. 5. Tondut. quæst. Benef. to. 1. cap. 43. num. 10. & 11. Nicol. in fosc. verb. Sepultura num. 12. Pignatell. conf. 205. num. 26. tom. 4.**

9. **IN DICTA ECCLESIAN. PERPETUO ERIGIMUS.** Erectio Societatis facta in certo, & determinato loco, non inducit necessitatem, ut ibi perpetuò Confratres permaneant, sed ut opera instituti exercentur. Nam cum non sit Collegium naturale reale necessarium, quod habeat aliquam conjunctionem cum Ecclesia, in qua erigitur, sed personale, potest ad libitum à loco recedere, vel dimitti, etiam si reperiat erectum in

Ecclesiis Regularium, Tondut. *quæst. Benefic. tom. 1. cap. 43. num. 8. Donat. prax. rer. Regular. tom. 3. tract. 8. q. 3. num. 1. in fin. Rot. coram Coccin. decis. 472. Sac. Congregat. Concilii in Pisana 23. Augusti 1692. Sac. Congregat. Episcop. in Venafrana 28. Novembris ejusdem anni.*

10. **SINE PRÆJUDICIO JURUM PAROCHIALIS.** Hæc clausula semper debet apponi, si vè propria, quia jura Parochi illæsa servanda sunt, & non aliter quàm sub ista conditione Societates hujusmodi, vel novæ Ecclesiæ (ut jam diximus alibi) erigendæ non sunt, prout Sac. Congr. Episc. rescriptis Episcopo Cajetano anno 1631. cuius Epistolæ exemplar refert per extensum Pignatell. *consult. 79. num. 3. tom. 9.*

11. **STATUTA, ET ORDINATIONES CONDENDI.** Episcopo assentiente, possunt Confratres Statuta condere, Donat. *ubi supra quæst. 16. num. 1. & 4. Sac. Congregat. Concilii in Ulyssiponen. 3. Junii 1690. & hoc illis expressè conceditur in Bulla Clement. Octavo.*

12. An autem possint statuere, quod nemo recipiatur in Fratrem, nisi prius solvat certam pecuniæ, aut ceræ quantitatem? distinguitur. Aut Statutum præcipiat absolute forma coactiva, nulla honesta causa, quæ pietatem redoleat, vestitum; & tunc cum videatur continere pactum simoniacum, erit illicitum: Quia cum admissio in Confratrem afferat lecum participationem spiritualium gratiarum, tale pactum non potest separari ab inhonesta conditione, & est contra dispositionem d. Bullæ Clementis Octavi, quæ eleemosynas, & Charitatis subsidia spontè oblata permittit, & non coacta, ibi -- *ut omnes intelligent Coelestes Ecclesiæ Thesuros, non quæstus, aut alicujus luctri causa, sed pietatis, & Charitatis excitandæ gratia ex Apostolica Sedis benignitate Christi fidelibus aperiri.*

13. Aut Statutum per modum adhortationis disponit, quod quisque receptus in Confratrem, si sit solvendo, solvat eleemosynaliter taxatam summam,

vel



vel fortè minorem pro manutentione Divini Cultus, & piorum operum Societatis, & tunc licitum, & validum erit, ut communiter tenent Laert. Cherubin. ad Constitut. 98. Clem. VIII. Schol. 2. Laurent. de Franch. controv. part. 1. num. 238. ubi Pasqualig. Donat. ubi supra quæst. 17. num. 1. Frances de Eccles. Cathedr. cap. 25. num. 230. & 231. & idem priùs firmaverat Turrecr. in cap. si quis despicit 42. dist. num. 2.

14. Si autem Sodales statuerent, quod in eorum Sepulchro extranei non Confratres non possint sepeliri, nisi solvant aliquam summam pecuniæ, aut certam quantitatem Ceræ; illicita esset Constitutio, & simoniaca, per Text. in ca. Audivimus de simon. Zecch. de Republ. Eccles. tit. de Paroch. cap. 28. numer. 19. vers. caveat etiam, ubi conclusionem sic firmat — sic etiam est simonia si fiat pactum, ut extraneus, qui vult sepeliri in Sepulturis Confratrum, solvat tantam summam, & idem dicit Samuel. de sepult. tract. 2. disp. 1. controv. 13. concl. 7. nu. 14. ibi — Sepultura quando est pro Confratribus alicujus Ecclesie Laicorum determinata, ac sit pactum, seu taxa, ut scilicet si extraneus sepeliri velit ibi, certum quid solvat, simonia omninò indubitanter committitur, ex c. Audivimus, & cap. sicut de simon.

15. IN CIVITATE. Licentia elemosynas quæritandi debet dari pro loco, in quo Societas erigitur, si enim daretur pro tota Diœcesi, esset cum præjudicio aliarum in eadem jam erectarum, & ideò non est universaliter concedenda, nisi in casu, quod non posset aliundè paupertas Societatis sublevari.

16. ET ADMINISTRANDI. Confratres mediante persona Officialium habent liberam administrationem bonorum Societatis, nec illis potest impediri, nec auferri, dummodo introitus non dissipent, & rationem ad formam Concil. Trident. Ordinario reddant, sic non semel, sed pluries declaravit Sac. Congregat. Episcop. ut testatur Pignatell. consulti. 71. num. 5. tom. 6. & consulti. 15. n. 32. tom. 7. ubi resolutiones refert.

17. CONGREGATIONES CONVOCANDI. Sæpè solent Episcopi suis Edictis

Monacelli Form. Pars I.

prohibere ne Confratres congregentur pro aliqua resolutione capienda sine interventu Vicarii Foranei loci, sub pœna nullitatis agendorum; quorum praxis hodiè fulcrum recipit ab auctoritate Pignatelli. qui in consultat. 128. per tot. tom. 9. firmat, hanc prohibitionem juridicam esse.

18. Verùm Pignatelli opinionem nunquam sequi volui, nec sequenda alios consulam: Tum quia Sac. Congregat. Episcop. in via Nullius Putiniani 21. Augusti 1584. rescripsit Vicario dicti loci, quod non potuerat prohibere, ne Societas Sacramenti non se congregaret, neque ullam resolutionem caperet absque sua licentia: Tum quia eo ipso, quod Confraternitas reperitur legitime erecta, habet jus tamquam legitimum Collegium se congregandi quoties sibi placuerit absque licentia Superioris, Rot. coram Coccin. decis. 2174. num. 11. & 12. Frances de Eccles. Cathedr. capit. 25. numer. 330.

19. Nullius momenti est reflexio super quam innixus pergit Pignatell. quod nempe cum Episcopus curare, & invigilare debeat, ut bona locorum piorum fideliter administrantur, ne fraudes fiant, malis præveniendò, possit talem prohibitionem facere, quoniam malis, & abusibus, si quæ sint, & eveniant, ut arceantur, alia media sunt proponenda, & adhibenda, non autem absque delicto, & ex causa remota possibilitatis delinquendi paucorum, privandum est Collegium jure, quod sibi essentialiter competit congregandi.

20. Sicque cum talis prohibitio de jure sustineri non valeat universim pro omnibus Congregationibus, poterit Episcopus ea uti in aliqua re gravi, quæ involvit præjudicium irreparabile, vel damnum notabile, per modum tamen hortationis, & nunquam sub pœna nullitati, quam infligere actibus Collegii legitime congregati non potest: Et hæc fuit sententia clar. mem. D. mei Card. Petruccii, qui votum sum aperire iussus à Sac. Congreg. Concilii in una Pisaurin. sub diebus 28. Decemb. 1697. & 14. Junii 1698. ita Decretum Episcopi super gubern-



bernio Confraternitatum cum hac prohibitione latum moderandum esse censuit : & Sac. Congreg. censuram Voti approbavit .

21 Aliud enim est , quòd Episcopus per se ipsum , vel per suum Delegatum possit intervenire , & assistere Congregationibus Confratrum , etiamsi fiant in Ecclesiis , & Oratoriis Regularium , in quibus reperiuntur Societates erectæ , absque eo quod possit excludi , ut respondit Sac. Congregat. Episcop. & Regular. in Cesenaten. 24. Novemb. 1690. & alia Decreta refert Nicol. in fosc. verb. Confraternitas num. 7. Aliud est , quòd Confraternitas non possit congregari sine licentia , & præsentia Delegati Episcopi sub pœna nullitatis agendorum , quod est contra juris dispositionem ; cui Episcopus non potest derogare .

22 Congregatio autem legitime , ut moris est , intimata , & coadunata poterit determinare , & resolutionem capere , etiamsi non interveniant duæ ex tribus partibus , aut major pars Confratrum : Nam major pars Universitatis , Collegii , seu Capituli constituitur per præsentem , non habita ratione absentium , Rot. cor. Burrat. decis. 573. num. 22. & coram Cels. decis. 85. nu. 9. impressa apud Tondut. qu. Benefic. tom. 2. part. 3. cap. 157. num. 56. Dummodo tamen non adsit Statutum , quod aliud determinet .

23 Verum quoque est quòd Vota Confratrum debent dari uti ab universis , non uti à singulis , & idè illorum consensus , vel dissensus præstitus extra Congregationem , seu Collegium non suffragatur , ut dixit Rot. coram Burrat. decis. 225. nu. 3. & 4. coram Cavaler. decis. 193. n. 5. si verò adsit præfens Episcopus , hic regularitèr Votum dare non debet , ut respondit Sac. Congreg. Concil. in Senogaliten. 4. Junii 1701.

24 OFFICIALES ELIGENDI. Officialium electio liberè ad Confratres pertinet , confirmatio autem ad Episcopum , Barbol. in Summ. decis. Apostolic. collect. 207. num. 13. Nicol. in fosc. verb. Confraternitas num. 6. & 7. Frances de Eccles. Cathedr. cap. 25. num. 278. immò & electio ad eundem pertinet , si

Confratres non concordent post tertium scrutinium , Sac. Congreg. Concilii in d. Senogaliten.

25 SEPULTURAM PRO CONFRA-  
TRIBUS. Quod Episcopus concedat Ecclesiis non Parochialibus privilegium Sepulchri , probavi in adnotat. ad Formul. præcedentem , & communiter admittunt Sebast. Medic. tract. de Sepult. qu. 10. n. 5. Samuel. eodem tract. par. 1. disput. 3. contr. 8. concl. 11. num. 19. & 20. Undè alicui Confraternitati insigni , & benemeritæ , puta quia Ecclesiam de novo construxerit , dotaveritque , quod sit hominibus piis , & qualificatis plena , vel plura misericordiæ , & charitatis opera exemplariter , & pauperum levamine exerceat , rationabiliter poterit illud concedere .

26 QUI EAM SIBI IPSIS ELEGERINT. Si enim Confratres Sepulturam in Ecclesia , sive Oratorio Confraternitatis non elegerint , sepeliri deberent in Ecclesia Parochiali , quia privilegium factis hoc operatur , ut Confratres ibi sepeliantur , ubi aliàs minimè possent , ut in terminis advertit Sebast. Medic. tract. de Sepult. quæst. 7. nu. 41. & declaravit Sac. Congregat. Concil. in Neapolitana 13. Februar. 1666. ad septimum : Cujus Decreti exemplar , quia in hac materia mihi visum fuit notabile , hic referre studui unà cum expositione casus , qui talis est .

Per evitare le controversie , che per cause di elezione di Sepoltura , e di Funerali sogliono avvenire non senza scandalo de' Fedeli , sono l' E. E. V. V. supplicate dal Commendatario dell' Abbazia , e Chiesa Parochiale di San Giovanni Maggiore di Napoli per la risoluzione delli seguenti dubbii .

I. Se sia valida l' elezione della Sepoltura , che si fa nella presenza del Paroco da chi è sano , ò infermo .

II. Se al valore dell' elezione della Sepoltura si richieda il Testamento nell' ultima volontà , ovvero basti , che s' elegga innanzi per alir' atto pubblico , che non sia Testamento .

III. Se sia nulla essa elezione di Sepoltura quando si elegge etiamdio per Testamento fatto in vita , e non in morte .



IV. Se chi ha Cappella di sua Famiglia con Sepoltura propria, o se comprasse Cappella con propria Sepoltura, morendo senza elezione di Sepoltura si debba sepellire nella Cattedrale.

V. Se sia valida l'elezione della Sepoltura fatta nella presenza di due, o più Testimoni.

VI. Se l'elezione della Sepoltura fatta per nutum, e per signa in caso, che tal'uno non possa parlare, sia valida.

VII. Se li Fratelli delle Confraternità si possano sepellire nella Sepoltura della loro Chiesa non facendosi elezione d'altra.

VIII. Se l'elezioni della Sepoltura, le quali presumuntur de jure, come quelle della Moglie rispetto al Marito, de' figli rispetto al Padre, e loro Maggiori, e de' Schiavi rispetto a' Padroni, e simili siano valide.

Die 13. Februarii 1666. Sac. Congr. Concil. Trid.

Ad primum. Censuit esse validam, dummodo Parochus non attestetur ad proprium commodum.

Ad secundum. Censuit non requiri necessarium Testamentum.

Ad tertium. Censuit non esse nullam.

Ad quartum. Non esse sepellendum in Cathedrali.

Ad quintum. Esse validam.

Ad sextum. Esse validam, dummodo sufficienter constet de voluntate eligentis.

Ad septimum. Negativè.

Ad octavum. Censuit quatenus electa non fuerit Sepultura, Uxorem in Sepulturam ultimi Viri sepellendam, filios verò in Sepulchro majorum, Servos autem in Parochia.

Ita reperitur in registro Decretor. lib. 25. fol. 29.

Ita est A. Altovitus Secretar.

Et in alia Neapolitana --- Sumpta occasione Decreti editi ab hac Sac. Congregatione in alia Causa Neapolitana sub die 13. Februarii 1666. ad secundum ex pluribus dubiis propositis super materia funerum respondit --- Ad validam Sepulturæ electionem non requiri necessarium Testamentum.

Confratres, & Consores consueverunt collectivè, & collegialiter per publicum Instrumentum eligere Sepulturæ suæ locum in aliis Ecclesiis, & signanter Regularium in quibus eadem Sodalitates erectæ reperiuntur, absque tamen voto, juramento aut promissione de non revocando electionem, & nuper Confratres Artifices Congregationis Assumptæ erectæ in Ecclesia Presbyterorum Oratorii S. Philippi Nerii, per libellum à Sanctissimo D. N. remissum supplicarunt hujusmodi electionis Sepulturæ modum validum declarari.

Super his confecto Processu per Eminentissimum Archiepiscopum, dataque relatione, quæ in folio per manus Eminentissimorum PP. transmittitur, hediè informant tantum Capitulo Ecclesiæ Archiepiscopalis Neapolis quæritur, An hujusmodi electio Sepulturæ collectivè, & collegialiter facta sustineatur in casu de quo agitur?

27 Die 16. Maii 1682. Sac. Congr. Concilii &c. respondit sustineri electionem Sepulturæ collectivè factam per Confratres individualiter consentientes, & die 19. Decembris ejusdem anni 1682. repropoita hujusmodi causa, utraque parte, ore, & scriptis informante stetit in decisis, addita clausula -- revocabiliter tamen.

F. Card. Columna Præfectus.

A. Altovitus S. C. C. Secr.

28 In his Decretis, quæ etiam invenies impressa post Synodum Provinciale Neapolitanam typis editam anno 1700. notanda sunt verba in secundo posita, ibi -- individualiter consentientes, ex quibus datur intelligi, quod Confratres quamvis collegialiter Sepulturam eligant, adhuc non comprehenduntur hi qui nominatim, & individualiter non consenserunt, cum nemo possit pro alio Sepulturam eligere quamvis hæredi, & successori, etiamsi electio esset jurata, ut declaravit altera Congreg. Episcoporum. & Regular. in Camerinen. 18. Augusti 1690. in qua cum Homines Villarum Pontis Trabis, contractu jurato pro se ipsis, filiis, hæredibus, & successoribus Sepulturam elegissent in Ecclesia PP. Min. Conventualium dicti loci, recurrentibus Parochis, prodiit sub

O 4 dicta



dicta die resolutio. *Contractum non sustineri, & proinde Parochos non esse molestandos.*

29 Item notanda sunt alia verba, ibi -- *revocabiliter tamen*, prudenter, & scite in secunda causæ resolutione addita; quia cum electio Sepulturæ sit pars ultimæ voluntatis, & actus liber, est semper revocabilis usque ad extremum vitæ periodum, Barbof. *de Paroch. cap. 26. nu. 24.* quem sequitur Panimol. *decis. 5. adnot. 3. num. 3.* Samuel. *de sepult. tract. 1. disp. 2. controv. 1. num. 1. pag. mibi 43.*

30 Et hinc è contra infertur, quod Sepulturæ electio, facta ab infirmo, licet postea convaluerit, non censetur revocata, si postea decedat non facta alia electione, ut tenet Bellet. *disq. Cleric. par. 1. de Cleric. Debitor. §. 3. nu. 29.* Et quamvis contrarium sentire videatur Ricc. *in prax. For. Eccles. par. 2. resol. 312. num. 5. & 6.* ubi dicit, quod prima opinio possit procedere, quando electio reperiatur facta in Testamento, vel Instrumento, adhuc Sententiæ Belletti standum est; quia ultima voluntas, cujus est pars electio Sepulturæ, probari potest aliunde, quam per Instrumentum, sive Testamentum, quod non est necessarium ad hunc effectum, ut jam declaravit Sac. Congreg. in supra relato Decreto in responsione ad secundum, & præsumitur semper durare, donec non appareat fuisse revocatam.

31 **SALVIS JURIBUS PAROCHI.** Quatenus Confratres præter Sepulturam illis concessam vellent in eorum Ecclesia, sive Oratorio Missas solemnes canere, aut alias functiones Parochiales agere, Parochus, qui est requirendus pro licentia, non tenetur illam concedere, nisi esset impeditus, vel nollet per se ipsum gratis prædictas functiones facere *Sagr. Congr. Concil. in Lunen. Sarzanen. 27. Julii 1697. & in Ferrarien. 22. Martii 1698.*

Licentia erectionis Societatis Sanctissimi Sacramenti.

F O R M U L A XII.

S U M M A R I U M .

- 1 Societas Sanctissimi Sacramenti debet erigi in unaquaque Ecclesia Parochiali.
- 2 Societas Doctrinæ Christianæ debet institui saltem in Cathedrali.
- 3 Societati Sacramenti debetur præcedentia supra alias Confraternitates in Processionibus, in quibus defertur Sanctissimum Sacramentum.
- 4 Societas Sacramenti participat de Indulgentiis, sine alia aggregatione.

N. Episcopus N.

*In nomine ejus, qui sedet ad dexteram Patris.*

**CUM** in nostra prima visitatione Parochialis Ecclesiæ S. N. loci N. invenimus *numquam in ea institutam fuisse*, neque erectam Societatem Sanctissimi Sacramenti, qua possit reddi, & augeri Cultus Venerabilis, præsertim occasione delationis Viatici ad Infirmos, illam (adscitis per Nos quampluribus dictæ Parochiæ piis viris, qui spontè, & alacriter sese in albo describi petierunt) instituere & erigere in Domino, qui Nos confortat, statuimus, prout præsentis nostri Decreto pro majori Cultu, & Veneratione Sanctissimi Sacramenti Eucharistiæ Societatem cum usu sacrorum coloris albi, quæ in associatione ad infirmos, & Processionibus præsto sit, & inservire debeat, cum omnibus *privilegiis, & prærogativis, necnon participatione Indulgentiarum* à Summis Pontificibus hujusmodi Societatibus elargitarum.